

妙法蓮華經。妙音菩薩品。

## 第二十四

爾時釈迦牟尼仏。放大人  
相。肉髻光明。及放眉間  
白毫相光。徧照東方。百  
八萬億那由佗恒河沙等。  
諸仏世界。過是數已。有  
世界。名淨光莊嚴。其國  
有仏。号淨華宿王智如來。  
応供。正徧知。明行足。  
善逝。世間解。無上士。

調御丈夫。天人師。仏。  
世尊。為無量無辺。菩薩  
大衆。恭敬圍繞。而為説  
法。釈迦牟尼仏。白毫光  
明。徧照其国。爾時一切  
浄光莊嚴国中。有一菩薩。  
名曰妙音。久已植衆徳本。  
供養親近。無量百千万億  
諸仏。而悉成就。甚深智  
慧。得妙幢相三昧。法華  
三昧。浄徳三昧。宿王戲

三昧。無緣三昧。智印三昧。解一切衆生語言三昧。集一切功德三昧。清淨三昧。神通遊戲三昧。慧炬三昧。莊嚴王三昧。淨光明三昧。淨藏三昧。不共三昧。日旋三昧。得如是等。百千萬億。恒河沙等。諸大三昧。釈迦牟尼。光照其身。即白淨華宿王智。我當往詣。

娑婆世界。礼拝親近供養。  
釈迦牟尼仏。及見文殊師  
利法王子菩薩。藥王菩薩。  
勇施菩薩。宿王華菩薩。  
上行意菩薩。莊嚴王菩薩。  
藥上菩薩。爾時淨華宿王  
智仏。告妙音菩薩。汝莫  
輕彼国。生下劣想。善男  
子。彼娑婆世界。高下不  
平。土石諸山。穢惡充滿。  
仏身卑小。諸菩薩衆。其

形亦小。而汝身。四万二  
千由旬。我身六百八十万  
由旬。汝身第一端正。百  
千万福。光明殊妙。是故  
汝往。莫轻彼国。若仏菩  
薩。及国土。生下劣想。  
妙音菩薩。白其仏言。世  
尊。我今詣娑婆世界。皆  
是如来之力。如来神通遊  
戲。如来功德智慧莊嚴。  
於是妙音菩薩。不起于座。

身不動搖。而入三昧。以  
三昧力。於耆闍崛山。去  
法座不遠。化作八万四千。  
衆宝蓮華。閻浮檀金為莖。  
白銀為葉。金剛為鬚。甄  
叔迦宝。以為其臺。  
爾時文殊師利法王子。見  
是蓮華。而白仙言。世尊。  
是何因緣。先現此瑞。有  
若干千万蓮華。閻浮檀金  
為莖。白銀為葉。金剛為

鬚。甄叔迦宝。以為其臺。  
爾時釈迦牟尼仏。告文殊  
師利。是妙音菩薩摩訶薩。  
欲從淨華宿王智仏国。与  
八万四千菩薩圍繞。而來  
至此娑婆世界。供養親近  
礼拝於我。亦欲供養。聽  
法華經。文殊師利。白仏  
言世尊。是菩薩種何善本。  
修何功德。而能有是。大  
神通力。行何三昧。願為

我等。說是三昧名字。我等亦欲。勤修行之。行此三昧。乃能見是菩薩。色相大小。威儀進止。唯願世尊。以神通力。彼菩薩來。令我得見。爾時釈迦牟尼。告文殊師利。此久滅度多寶如來。當為汝等。而現其相。時多寶。告彼菩薩。善男子。來。文殊師利法王子。欲見汝身。



于時妙音菩薩。於彼國沒。  
與八萬四千菩薩。俱共發  
來。所經諸國。六種震動。  
皆悉雨於。七寶蓮華。百  
千天樂。不鼓自鳴。是菩  
薩。目如廣大。青蓮華葉。  
正使和合。百千萬月。其  
面貌端正。復過於此。身  
真金色。無量百千。功德  
莊嚴。威德熾盛。光明照  
曜。諸相具足。如那羅延。

堅固之身。入七寶臺。上昇虛空。去地七多羅樹。諸菩薩衆。恭敬圍繞。而來詣此娑婆世界。耆闍崛山。到已下七寶臺。以徧直百千瓔珞。持至釈迦牟尼仏所。頭面礼足。奉上瓔珞。而白仏言。世尊。淨華宿王智仏。問訊世尊。少病少惱。起居輕利。安樂行不。四大調和不。世

事可忍不。衆生易度不。  
無多貪欲。瞋恚。愚痴。  
嫉妬。慳慢不。無不孝父  
母。不敬沙門。邪見。不  
善心。不攝五情不。世尊。  
衆生能降伏。諸魔怨不。  
久滅度多宝如来。在七宝  
塔中。来聽法不。又問訊  
多宝如来。安穩少恼。堪  
忍久住不。世尊。我今欲  
見多宝仙身。唯願世尊。

示我令見。爾時釈迦牟尼  
仏。語多宝仏。是妙音菩  
薩。欲得相見。時多宝仏。  
告妙音言。善哉善哉。汝  
能為供養。釈迦牟尼仏。  
及聽法華經。竝見文殊師  
利等。故來至此。爾時華  
徳菩薩。白仏言。世尊。  
是妙音菩薩。種何善根。  
修何功德。有是神力。仏  
告華徳菩薩。過去有仏。

名雲雷音王。多陀阿伽度。  
阿羅訶。三藐三仏陀。国  
名現一切世間。劫名喜見。  
妙音菩薩。於万二千歳。  
以十万種伎樂。供養雲雷  
音王仏。竝奉。上八万四  
千七宝鉢。以是因縁果報。  
今生淨華宿王智仏国。有  
是神力。華徳。於汝意云  
何。爾時雲雷音王仏所。  
妙音菩薩。伎樂供養。奉

上宝器者。豈異人乎。今  
此妙音菩薩摩訶薩是。華  
德。是妙音菩薩。已曾供  
養親近。無量諸仙。久植  
德本。又值恒河沙等。百  
千萬億。那由佗仙。華德。  
汝但見妙音菩薩。其身  
在。此。而是菩薩。現種種身。  
处处為諸衆生。說是經典。  
或現梵王身。或現帝釈身。  
或現自在天身。或現大自

在天身。或現天大將軍身。  
或現毘沙門天王身。或現  
轉輪聖王身。或現諸小王  
身。或現長者身。或現居  
士身。或現宰官身。或現  
婆羅門身。或現比丘。比  
丘尼。優婆塞。優婆夷身。  
或現長者。居士。婦女身。  
或現宰官婦女身。或現婆  
羅門婦女身。或現童男童  
女身。或現天。龍。夜叉。

乾闥婆。阿修羅。迦樓羅。  
緊那羅。摩睺羅伽。人非  
人等身。而說是經。諸有  
地獄。餓鬼。畜生。及衆  
難處。皆能救濟。乃至於  
王後宮。變為女身。而說  
是經。華德。是妙音菩薩。  
能救護娑婆世界。諸衆生  
者。是妙音菩薩。如是種  
種。變化現身。在此娑婆  
国土。為諸衆生。說是經



典。於神通變化智慧。無所損減。是菩薩。以若干智慧。明照娑婆世界。令一切衆生。各得所知。於十方恒河沙世界中。亦復如是。若心以聲聞形。得度者。現聲聞形。而為說法。心以辟支仙形。得度者。現辟支仙形。而為說法。心以菩薩形。得度者。現菩薩形。而為說法。心

以仏形。得度者。即現仏形。而為說法。如是種種。隨所応度者。而為現形。乃至応以滅度。而得度者。示現滅度。華徳。妙音菩薩摩訶薩。成就大神通智慧之力。其事如是。爾時華徳菩薩。白仏言。世尊。是妙音菩薩。深種善根。世尊。是菩薩。住何三昧。而能如是。在所變現。度

脫衆生。仙告。華德菩薩。  
善男子。其三昧。名現一  
切色身。妙音菩薩。住是  
三昧中。能如是饒益。無  
量衆生。說是妙音菩薩品  
時。与妙音菩薩俱來者。  
八万四千人。皆得現一切  
色身三昧。此娑婆世界。  
無量菩薩。亦得是三昧。  
及陀羅尼。爾時妙音菩薩  
摩訶薩。供養釈迦牟尼仙。

及多宝仏塔已。還歸本土。所經諸国。六種震動。雨宝蓮華。作百千万億。種種伎樂。既到本国。与八万四千菩薩圍繞。至淨華宿王智仏所。白仏言。世尊。我到娑婆世界。饒益衆生。見釈迦牟尼仏。及見多宝仏塔。礼拝供養。又見文殊師利法王子菩薩。及見藥王菩薩。得勤精進。

力菩薩。勇施菩薩等。亦  
令是八万四千菩薩。得現  
一切色身三昧。說是妙音  
菩薩。来往品時。四万二  
千天子。得無生法忍。華  
德菩薩。得法華三昧

# 妙法蓮華經卷第七